

“MAWAWAK”- John 19: 28
(Maikalima a balikas ni Jesus idia y krus)

PAKAUNA

Kablaawandakayo iti nagan ni Jesu Cristo. Sapay koma ta ti talna ti Dios ti makikaadda amin kadatayo.

TI TEKSTO/MENSAHE:

Nailansa ni Jesus iti innem nga oras, mariknanan a mapanen. Mabalin a marigatanen, naktangen dagiti dua a takkiagna a nakabissayot idia y krus, nakamagmagan ti bibigna, nabannogen, napaksuyanen ket kinuna, “mawawak.” Daytoy ti maikalima a balikasna sakbay a nauyos ti angesna ket agpatinggan ti nataoan a biagna.

Daytoy a balikas ni Jesus idia y krus ket *maysa a pammatalged ti kinataona (humanity) nupay isuna ket fully human and fully divine, kasta met ti kinadakes nga agraraira iti daytoy a lubong* kas ipakita iti pannakaparigatna. Kas maysa a tao, nakarikna iti pannakawaw. Napadasanna ti tuok, rigat ken panagsagaba. Daytoy ket pinataud ti kinadakes daytoy a lubong. Mamatiak nga daytoy a balikas ni Jesus ket isu pay laeng ti asugna kadagitoy a panawentayo kas patalgedan ti agdama a sasaaden ti sangalubongan, ti COVID-19 pandemic. Mawaw isuna iti ayat, talna, hustisia ken pannakaisalakan. Agsardeng koman dagiti mangparigat kadagiti tattao.

Ti agdama, ti sangalubongan a pakairamanantayo ditoy Pilipinas ket adda iti pannakawaw a kasasaad-tunggal maysa mawaw iti biag, mawaw iti pannakaagas, mawaw iti waya-wayaya, mawaw iti normal a biag, mawaw a maaramid koma dagiti dati nga ar-aramidentayo: mawaw iti taraon, mawaw iti acceptance, mawaw iti namnama, talna, ayat ken pannakaisalakan. Kuna dagiti psychiatrist, baka maadda ti mental problem kadagiti tattao agsipud ta addatayo iti kasasaad nga saantayo a naruaman. Stressing, nakakalungkot, anxiety, boredom, helpless ta saantayo nga iggem ti sitwasyon, ekspektarentayo nga atiddog pay daytoy a kasasaad. Ngumato pay kano ti bilang dagiti kaswaltis, mawawtayon!!

Kadagitoy a panawen iti kaawan kasiguradoan, ni Jesus ipalpalagipna, ”Siasinoman nga uminom iti daytoy a danum, mawawto manen,” kinunan ni Jesus, ngem ti uminom iti danum nga itedko, saanton a mawaw. Ta ti danum nga itedko agbalinto nga ubbog iti unegna a mangted kenkuana iti nabia g a danum ken biag nga agnanayon.” (Juan 4:13-14). Isuna ti pakasarakan iti pannakapnek. Kasatnotay met a mapennek iti pannakawawna?

Isungbatto dagiti nalinteg, kaano apo ti pannakakitami kenka a mabisin ket pinakandaka wenno mawaw ket pinainumdaka? Kayatna a sawen ngarud nga, “ Mawawak, pinainumdak.” Mother Teresa **said** she desired to “sate the **thirst** of **Jesus** on the cross for the love of souls.” When we offer a cup of cold water to those in need, we are giving water to **Jesus** on the cross, we are quenching his **thirst**.

Kakabsat iti Apo, obserbaren dagiti bilin ti Department of Health: Kanayon a buggoan ti ima iti 20seconds, tunggal panagusartayo iti mask, pagtalinaeden ti social distancing, tunggal agtalinaedtayo kadagiti pagtaengan, tunggal itratotayo ti bagitayo nga infected iti virus ket salaknibantayo dagiti bagitayo, tunggal mangantayo ken uminom ket mangan ken uminom met dagiti dagiti kaarrubatayo kadagitoy a panawen iti crisis, tunggal aramid ti itutulong nga ipaay kadagiti kaarrubatayo, ni San Mateo palagipannatayo, “ kunanto ti Ari, aniaman nga inaramidyo kadagitoy kanunumoan kadagiti kakabsatko, inaramidyo metten kaniak (Mateo 25:40). Iti nagan ti Ama, Anak ken Espirito Santo. Amen.